

ՄԱՅՐ ԱԹՈՒ Ս. ԷԶՄԻԱԾՆԻ ՀԱՅՐԵՆԱՍԻՐԱԿԱՆ
ԳՈՐԾՈՒՆԵՈՒԹՅՈՒՆԸ ՀԱՅՐԵՆԱԿԱՆ ՊԱՏԵՐԱԶՄԻ
ՏԱՐԻՆԵՐԻՆ
(1941—1945 թթ.)

Տ. Տ. Վազգեն Ա Ամենայն Հայոց կաթողիկոսի թեադրութեամբ մեծ հաղթանակի 30-ամյակի առթիւ (1945—1975 թթ.), «Էջմիածին» ամսագրի սույն համարում հրատարակության ենք պատրաստել Հայկական ՍՍՀ պետական կենտրոնական պատմության արխիւի համար 409՝ «Էջմիածնի Գերագույն հոգևոր խորհուրդ» ֆունդից առայժմ միայն 22 փաստաթղթեր, և հրատարակվող փաստաթղթերից 4-ի լուսանկարները, որոնք վերաբերվում են Մայր Աթոռի և նրա գլխավորությամբ ու կոչերով սփյուռքի ողջ հայության ցույց տված բարոյական և նյութական աջակցությանը Հայրենական մեծ պատերազմի հաղթանակին:

Մայր Աթոռ ս. Էջմիածինը, որպէս պատմական կենտրոնը Հայաստանցայց եկեղեցու, և սփյուռքահայությունը քաջ գիտակցում էին, որ Հայրենական պատերազմի ծանր օրերին որոշվում էր մաս ընդհանրապէս Հայաստանի և հայ ժողովրդի բախտը:

Ահա թե ինչու Մայր Աթոռն ու սփյուռքի հայ եկեղեցու նվիրապետական տեղական միութեան Աթոռներն ու թեմերը և սփյուռքահայությունը սիրով ու զոհողությամբ իրենց լուսման ներդրեցին Հայրենական պատերազմում մեր վերածնված հայրենիքը պաշտպանելու և հաղթանակն ապահովելու սրբազան գործում:

Արդարև մեծ է Մայր Աթոռի և ազգընտիր տեղակալ տ. Գևորգ արքեպ. Չորեքչյանի (ուպա Գևորգ Զ կաթողիկոսի) կատարած հայրենասիրական դերը 1941—1945 թթ., դեր, որի մասին հանգամանորեն և ապառիչ կերպով խոսում են հրատարակվող փաստաթղթերը:

Մայր Աթոռի, հայ եկեղեցու և սփյուռքահայության կատարած սույն հայրենասիրական գործն արժանացել է հայրենի և կենտրոնական կառավարության ուշադրությանն ու շնորհակալությանը, ինչպէս ցույց են տալիս սույն փաստաթղթերը:

Բացի համար 1, 3, 4, 5, 18, 19 փաստաթղթերից, մյուս փաստաթղթերը, որոնցից մի մասը թարգմանվել են ռուսերենից, հրատարակվում են առաջին անգամ, մեծ հաղթանակի 30-ամյակի առթիւ: Սույն փաստաթղթերը, որոնք հրատարակվում են ժամանակագրական կարգով, պատմական կարևոր արժեք են ներկայացնում և միաժամանակ լույս սփում 1941—1945 թթ. Մայր Աթոռի և սփյուռքահայության կողմից հայրենիքի պաշտպանությանը նվիրված բարոյական, նյութական օգնությանը, ինչպէս մասն հայ եկեղեցու և պետության հարս-բերությունների վերաբերյալ հաղցերի վրա:

ՀԱՄԼԵՏ ՄՈՒԹԱՐՑԱՆ

ՀՍՍՀ պետական կենտրոնական պատմության
արխիւի գիտա-տեղեկատու բաժանմունքի
ստեղծման և կատարելագործման բաժնի վարիչ

№ 1

ԱՄԵՆԱՅՆ ՀԱՅՈՑ ՀԱՅՐԱՊԵՏՈՒԹՅԱՆ ԱԶԳՆՏԻՐ ՏԵՂԱԿԱԼ
Տ. ԳԵՎՈՐԳ. ԱՐՔԵՊԻՍԿՈՊՈՍ ՉՈՐԵՔԶՅԱՆԻ ԿՈՉԸ ՀԱՅ ԺՈՂՈՎՐԴԻՆ՝
ՀԱՅՐԵՆԻՔԻ ՊԱՇՏՊԱՆՈՒԹՅԱՆ ՀԱՄԱՐ ՊԱՅՔԱՐԻ ԵՆԵԼՈՒ ԵՎ
ՕԳՆՈՒԹՅՈՒՆ ՅՈՒՅՑ ՏԱԼՈՒ ՄԱՍԻՆ

Կոչ հայ ժողովրդին

«Վասն Սիոնի ոչ լռեցից և վասն
Երուսաղեմի ոչ ներեցից»:

(Եսայ. ԿԸ 1):

«Ինչ էլ գա գլխիս—ասում է մարգարեն—Ես՝ Սիոնն ու Երուսաղեմը՝ իմ
հայրենի քաղաքն ու տաճարը մոռանալ չեմ կարող»:

Մեր հայրենիքը՝ Մայր Հայաստանն է: Հայ ժողովրդի սրբության սրբոցը՝
ս. Էջմիածինը, հայ եկեղեցու ծագման ու հաստատության օրորանը և նորա
կենտրոնը:

Հանուն հայրենիքի, հանուն մեր հավատի և խղճի ազատության՝ բողո-
քելով անարդարությունների և օտար բռնակալության դեմ, մեր նախնիքը
դարեր շարունակ կյանքի և մահու պայքար են մղել բռնակալության դեմ,
որ մարմնի գերության հետ հոգու գերության էր ձգտում:

Հայ ժողովրդի այս դյուցազնական պայքարի և դիմակալության ոգին
ցայտուն արտահայտված է Վարդանանց պատերազմի մեջ: Հայ պատմության
այդ շրջանում՝ հայ մարդու համբերության բաժակը լցված էր օտար բռնա-
կալների անարդարությանց երեսից:

Բողոքող ուժգին ձայն էր պետք, հերոսական ոգի էր պետք, պայքարող
ույժ էր պետք, արդարության ձայնը հնչեցնող և նրա դրոշակը բարձր պահող
էր պետք: Եվ ահա՝ հայրենիքի սիրով վատված, քրիստոնեական ոգով դաս-
տիարակված, հայ ժողովրդի ազատության համար զոհվելու պատրաստ՝
կանգնած է մեր առաջ քաջ Վարդանը:

Նա կանգնած է որպես հաղթական հերոս, հավատարիմ, անկաշառ և
անդավաճան սպասավորը հայ ժողովրդի: Նա մարմնացումն է Ե դարու ոգու
և արտահայտիչը հայ ժողովրդի բնութագրի՝ արդարամտության, անձնվիրու-
թյան և ազատասիրության:

Այս առթիվ հիշենք և լսենք հայ մեծ պատմագիր ոսկեծղի Եղիշեին.

«Թող մեր արյունը թափվի մարտիրոսների արյան նման, միայն թե մեր
հայրենիքն ու եկեղեցին չընկնի հեթանոսների ձեռքը»:

Մի՞թե կարելի է չոգևորվել տեսնելով երիտասարդների կտրճությունը,
որոնք ի սեր արդարության և ճշմարտության գերադասում էին հաղթական
մահը, քան անարգ կյանքը: Մի՞թե հնարավոր է չհուզվել տեսնելով կանանց
և օրիորդների անձնվիրությունը հանուն հայրենիքի և խղճի ազատության:

Այսպես էին մեր նախնիքը, որոնց պարտական ենք մեր ազգային և
կրոնական կյանքը՝ մեր գոյությունը:

Վարդանանց զորավարաց հաղթական ոգին ապրել և ապրում է տակա-
վին մեր մեջ և այսօր:

Մենք չպիտի մոռանանք հայ ժողովրդի անցյալում կրած տառապանք-
ներն ու զրկանքները, կոտորածներն ու գերեվարությունը: Մենք միշտ պիտի
հիշենք, որ անցյալում քազմիցս մեր երկիրը եղել է օտար բռնակալների և
վայրագ ու անխիղճ ազգերի մրցության սուպարեզ, որի հետևանքով ավերակ-
ների կույտ էր դարձել:

Հայ եկեղեցին օրհնել է հայ ժողովրդի դիմակալության ոգին, ներշնչել է ազգային անկախության գաղափարը, մշակել է ազգային ինքնագիտակցության զգացումը և՛ խաչն ու Ավետարանը ձեռքին՝ քաջալերելով հայ զորքը, դեպի հաղթություն է առաջնորդել նրան:

Իմ սիրելի հայ զավակունք.

Մենք այսօր հիշում ենք մեր նախնյաց հերոս և անձնագրի ոգին, մեր քաղաքապետ ժողովրդի բազմիցս կրած տառապանքներն ու զրկանքները այն պատճառով, որ այսօր դամոկլյան սրի պես վերստին կախված է մեր հայրենիքի, ժողովրդի և եկեղեցու գլխին ստրկացման վտանգը:

Հանդես է եկել մի նոր բիրտ ուժ՝ ֆաշիզմը, որը հակառակ է ազատության և կուլտուրայի, թշնամի է քրիստոնեական եկեղեցուն, կեղեքիչ՝ բոլոր մարդկության:

Ֆաշիզմը կրողն է բռնապետության և պատերազմի, ավերող ժողովրդի ստեղծած նյութական և կուլտուրական արժեքների: Ֆաշիզմը կողոպուտի և մահվան դրույթ է:

Հենց այդ ֆաշիստական բիրտ ուժն է, որ նենգաբար ներխուժել է մեր երկիրը՝ Խորհրդային Միության երկիրը, ավեր ու մահ բերելով իր հետ:

Ֆաշիզմը ծրագրել է վերահաստատել մեր երկրում ցարիզմը, նա սպառնում է ինչպես Խորհրդային Միության բոլոր հանրապետություններին, նույնպես նաև Հայաստանի Հանրապետության, առաջ բերել ռեակցիա և ստրկացնել:

Բնան և ավելի տարի է, որ Խորհրդային Միությունը վարում է խաղաղաբար քաղաքականություն արտաքին աշխարհի նկատմամբ և իր ամբողջ մտավոր, բարոյական և նյութական ուժը տրամադրել է Խորհրդային Միության երկրների շինարարության, նորա քաղաքական ժողովուրդների զորացման և նոցա մտավոր ու ազգային կուլտուրայի զարգացման:

Ինչպես արևի կենսատու ճառագայթների ազդեցության շնորհիվ գլաբալում ու կենդանանում է թառամած ծաղիկը, այնպես էլ մեր Մայր Հայաստանը ուս մեծ ժողովրդի աջակցության շնորհիվ աղքատության ճիրաններից և ավերակների ծոցից ելնելով՝ վերակենդանացավ և դարձավ զորավոր ու հարուստ երկիր: Հայ քրտնաջան ժողովուրդը այդ տարիների ընթացքում ստեղծեց նյութական ու կուլտուրական շատ արժեքներ:

Մեր ժողովրդի և եկեղեցու թշնամիները հայությունը ջլատելու նպատակով՝ տարածեցին մոլորեցուցիչ լուրեր, որ իբր թե Խորհրդային իշխանությունը կործանում է հայ եկեղեցու կենտրոնը՝ ս. Էջմիածինը: Որ Խորհրդային իշխանությունը չի միջամտում եկեղեցական գործերին և որ Խորհրդային Միության մեջ պահպանված է խղճի ազատությունը, հաստատում է նորերս ս. Էջմիածնում գումարված ազգային-եկեղեցական ժողովը արտասահմանյան թեմերի պատգամավորների մասնակցությամբ: Նույնը հաստատում են Խորհրդային երկրի բազմաթիվ քաղաքներում գոյություն ունեցող հայ եկեղեցիները:

Հայը՝ բացի Խորհրդային Հայաստանից՝ չունի այլ հայրենիք: Հայը՝ Հայաստանից դուրս՝ չունի այլ հաստատման կովան, բացի հայ եկեղեցին և նրան գլխավորող Ամենայն Հայոց Հայրապետությունը ս. Էջմիածնի Հայրապետական Աթոռով:

Աշխարհի բոլոր ազգերի կատարյալ համակրանքը և Խորհրդային Միության 200 միլիոն ժողովրդի միական և միախորհուրդ գործելակերպը, որով մղում է հայրենի սրբազան պատերազմ իր հայրենիքի, նրա քաղաքական ազատության և տնտեսական ու կուլտուրական նվաճումների պաշտպանու-

թյան համար՝ գրավական է Խորհրդային Միության վերջնական հաղթության:
Աջակցել Խորհրդային Միության նշանակում է աջակցել հայրենիքին:
Խորհրդային Միության հաղթանակը՝ հաղթանակն է նաև հայ ժողովրդի:

Ամեն հայ մարդ, որ նախանձախնդիր է իր հայրենիքի՝ Խորհրդային Հասարակական բարգավաճման՝ նա կաջակցի անշուշտ և կպաշտպանե Խորհրդային Միությունը:

Թող ընդմիշտ կենդանի մնա մեր մեջ Վարդանանց պայքարի ու դիմակալության ոգին, որը միայն կարող է հաղթել անօրեն թշնամուն և ապրեցնել մեր ազգը:

Թող Տեղը անասան պահե Խորհրդային երկիրը՝ ուրախություն Խորհրդային Միության ժողովուրդների և ամբողջ քաղաքակիրթ մարդկության:

Նախագահ Գերագույն հոգևոր խորհուրդի

Ազգընտիր տեղակալ Ամենայն Հայոց Հայրապետության

Գևորգ արքեպիսկոպոս

ՀՍՍՀ ՊԿՊԱ, ֆ. 409, գ. 888, թ. 5, տպագիր, բնագիր:

Ծեք. Սույն կոչը, որը նվիրապետական Աթոռներին և թեմերին ուղարկվել է 1941 թ. հունիսի 20-ին, հրատարակված է «Էջմիածին» ամսագրում, 1944 թ., № 1, էջ 6—8:

№ 2

ԱԶԳԸՆՏԻՐ ՏԵՂԱԿԱԼ ԱՄԵՆԱՅՆ ՀԱՅՈՑ ՀԱՅՐԱՊԵՏՈՒԹՅԱՆ
Տ. ԳԵՎՈՐԳ ԱՐԺԵՊԻՍԿՈՊՈՍ ՉՈՐԵՔԶՅԱՆԻ ՆԱՄԱԿԸ «ՍՈՎԵՏԱԿԱՆ
ՀԱՅԱՍՏԱՆ» ԹԵՐԹԻ ԽՄԲԱԳՐՈՒԹՅԱՆԸ՝ ԷԶՄԻԱԾՆԻ ԿՈՂՄԻՑ
ՀԱՅՐԵՆԻՔԻ ՊԱՇՏՊԱՆՈՒԹՅԱՆԸ ՑՈՒՅՑ ՏՐՎԱԾ ՕԳՆՈՒԹՅԱՆ
ՄԱՍԻՆ

№ 337

5 դեկտեմբերի 1941 թ.

Սովետական Հայաստանի մեծարգո խմբագրությանը

Սովետական ժողովուրդները մղում են հայրենական սրբազան ու արդար պատերազմ ընդհանուր հայրենիքի և իրենց ստեղծած խոշոր քաղաքական, կուլտուրական և տնտեսական նվաճումների պաշտպանության համար, ընդդեմ հիտլերյան բարբարոս ռմակների, որոնք նենգորեն ներխուժել են մեր երկիրը՝ մեր հայրենիքը նվաճելու, բնաջնջելու մեր կուլտուրան, խլելու մեր ազատությունը և մեր ժողովրդին շահագործելու նպատակով:

Սովետական ժողովուրդների զավակների՝ հերոս կարմիր բանակի անձնակերպաբար հիացմունք է պատճառում բոլորիս և բարոյական պարտք է դնում թիկունքում ամեն աշխատանք սիրով կատարելու՝ և ամեն աջակցություն ցույց տալու պատերազմի հաղթական ելքը փութացնելու համար:

Սույն խոհերով և զգացմունքներով լցված՝ ա. Էջմիածնի Գերագույն հոգևոր խորհուրդը նվիրաբերում է իր փոքրիկ լուման 261 կիլո պղինձ և 36 կիլո արծաթ—հօգուտ հայրենիքի պաշտպանության ֆոնդին և հավատում է Խորհրդային Միության արդար պայքարի հաղթանակին:

Կյանք սովետական խաղաղասեր և կենսունակ ժողովուրդներին, մահ՝ հիտլերյան արյունոտ և ավերիչ ռմակներին:

Գևորգ արքեպիսկոպոս Չորեքչյան

Ազգընտիր տեղակալ Ամենայն Հայոց Հայրապետության

ՀՍՍՀ ՊԿՊԱ, ֆ. 409, գ. 1645, թ. 1: Բնագիր:

¹ «Ամեն աշխատանք սիրով կատարելու»—գրված է տողավերևում:

№ 8

ԱԶԳԱՆՏԻՐ ՏԵՂԱԿԱԼ ԳԵՎՈՐԳ ԱՐՔԵՊԻՍԿՈՊՈՍ ԶՈՐԵՔԶՅԱՆԻ
ԿՈԶԸ ՀԱՅՈՒԹՅԱՆ

Ա. Էջմիածնի Գերագույն հոգևոր խորհուրդը իր արտագին գոհունակությունն է հայտնում Հայաստանի հարազատ զավակներին, որոնք հանդես հայրենիքի և հայ ժողովրդի սեր և անձնվիրություն են ցուցադրում և հերոսաբար կռվում բոլոր ճակատներում, ազատագրական պատերազմ մղելով մեր երկիրը ներխուժած գերմանական զորաքանակների դեմ:

Ա. Էջմիածնի Գերագույն հոգևոր խորհուրդը իր խորին շնորհակալությունն է հայտնում մահ արտաահմանի հայության, մահանալանդ ամերիկահայության, որ մայր երկրի իր հարազատ եղբայրների ապրումներով է տառապում և՛ նորա վարած ազատագրական պատերազմի հաջողության ու թշնամու շուտափույթ ջախջախման համար՝ չի խնայում իր նյութական և բարոյական աջակցությունը հերոս կարմիր բանակին:

Հայ ժողովուրդը իր շնորհակալությունն է հայտնում ուս մեծ ժողովրդի, որի աջակցությամբ և իր քրտնաջան աշխատանքի շնորհիվ՝ աղքատության ճիրաններից և ավերակների ծոցից ելնելով՝ վերակենդանացավ և դարձավ զորավոր ու հարուստ՝ և ստեղծեց նյութական և կուլտուրական շատ արժեքներ:

Հայ ժողովուրդը երախտապարտ է զգում իրեն՝ հանդես խորհրդային իշխանության, որի շնորհիվ միայն ձեռք բերեց մահ իր երազած անկախ պետությունը: Խորհրդային իշխանության աջակցությամբ և նորա մտավոր, բարոյական ու տնտեսական ուժերը տրամադրելու հետևանքով Հայաստանը ավերակ վիճակից վերաշինվեցավ, տնտեսապես զորացավ և ստեղծեց ու զարգացնում է իր սեփական մշակույթը:

Ռուս մեծ ժողովրդի մեծահոգի և մարդասեր վերաբերմունքը դեպի հայ ժողովուրդը ոչ միայն ծնել է հայ ժողովրդի մեջ երախտագիտության, այլ և մտերմության և սիրո զգացմունք, որի հետևանքով հաստատվել է այդ երկու ժողովուրդների մեջ փոխադարձ անխզելի կապ:

Այս է պատճառը, որ երբ գերմանական աշխարհավեր զորաքանակները ներխուժեցին Խորհրդային Միության սահմանները՝ հայ ժողովուրդն էլ, մյուս եղբայրակից ժողովուրդների հետ, ծառացավ խորհրդային երկիրը ներխուժող թշնամու դեմ և հայրենական սրբազան պատերազմ մղեց ընդհանուր հայրենիքի, նորա քաղաքական ազատության և կուլտուրական նվաճումների պաշտպանության համար:

Մեր նախնիքը դարերի ընթացքում պայքարել են օտար բռնակալների դեմ, որոնք ձգտել են ֆիզիկապես և հոգեպես ստրկացնել հայ ժողովուրդը: Հայ ժողովրդի ազատասիրական և հերոսական ոգու ցայտուն արտահայտություններից մեկն է Վարդանանց պատերազմը, որ մղված է հանուն հայրենիքի քրիստոնեական կրոնի ազատության:

Պատերազմի հերոսը Վարդանն է իր քաջարի ընկերներով, որ քրիստոնեական ոգով դաստիարակված, հայրենիքի սիրով վառված, հայ ժողովրդի ազատության համար զոհվելու պատրաստ, կանգնած է մեր առաջ:

Մեր առաջ կանգնած է մահ պատերազմի հոգևոր հերոսը, Ղևոնդ երեցը իր ընկերներով, որոնք օրհնել են հայ ժողովրդի պայքարող հերոսական ոգին, ներշնչել են ազգային անկախության գաղափարը և՛ խաչն ու Ավետուս-

րանը՝ ձեռներին՝ քաջալերել հայ զորքը և դեպի հաղթություն առաջնորդել նրան:

Վարդանն ու Ղևոնդ երեցը իրենց ընկերներով մարտիրոսացան, քայց փրկեցին հայրենիքն ու հայրենի կրոնը, և երախտագետ հայ ժողովուրդը անմահացրեց նոցա հիշատակը դասելով նոցա սրբոց կարգը և նոցա հիշատակին տարեկան տոն սահմանելով:

Հայ ժողովրդի այս ազատասեր և պայքարող ոգու շնորհիվ է, որ իններորդ դարում Բագրատունյաց ջանքերով ազատվեցավ Հայաստանը արաբական լծից և ինքնուրույն դարձավ: Նույն այդ պայքարող ոգու շնորհիվ է, որ 11-րդ դարում անկախությունը կորցրած հայությունը Ռուբինյանց շնորհիվ Կիլիկիայում անկախություն ձեռք բերեց:

Ոչ միայն հայոց պատմական կյանքը, այլ և նորագույն կյանքը հարուստ է նման երևույթներով, որոնց սիրուն և հմայիչ պատկերներ տալիս են Բաֆֆին, Աթուլյանն և ուրիշները:

Հայ ժողովրդի այդ պայքարող ոգին է նաև ապրում այսօր, որի շնորհիվ նորա հավատարիմ զավակները, իբրև մի մարդ միացած, մյուս եղբայրակից ժողովուրդների հետ՝ ծառացել են խորհրդային երկիրը ներխուժած թշնամու դեմ և հայրենական սրբազան պատերազմ մղում ընդհանուր հայրենիքի պաշտպանության համար:

Այսօր՝ երբ թշնամին կանգնած է Կովկասի դռանը և սպառնում է մեր հայրենիքին, նորա ազգային անկախության և ազգային մշակույթին՝ հայ ժողովուրդը, հավատարիմ իր պայքարող ոգու՝ ևս առավել ոգեշնչված է իր հայրենիքն ու իր սրբությունները պաշտպանելու: Սուրբ է նորա կամքն ու պայքարը և Էջմիածինը օրհնող է նորա կամքն ու զենքը:

Ամոթ և նախատինք նոցա, որոնք կոպտաճանհ են մեր հայրենիքի շահերին, որոնք Վասակի և Հուդայի նման, դավաճանելով ժողովրդին և իրենց հայրենիքին՝ կծառայեն թշնամուն: Հայ ժողովուրդը այսպիսիներին դատապարտության սյունին կգամ: Ինչպես պատմությունը վարվել է դավաճան Վասակի և մատնիչ Հուդայի հետ:

Ազգերի իրավունքն է ազատ ապրել, հայրենիք ունենալ և այնտեղ իրենց վիճակն ազատորեն ինքնորոշել: Ընդհանուր մարդկային այս տարրական իրավունքի պաշտպանության համար է, որ պայքարում են միութենական երկրի բոլոր ժողովուրդները և՛ իրենց այդ արդար իրավունքի պաշտպանության հետևանքով՝ աներևակայելի գազանաբարո հալածանքի ենթարկվում—ծերեր, կանայք և մանուկներ սրախողխող լինում, գերի ընկած հերոս մարտիկներ, անասելի տանջանքների ենթարկվելուց հետո սպանվում, զինվորական հիվանդանոցներ անողորմ ոմբակոծվում, շեն քաղաքներ ու գյուղեր գազանաբար ավերվում, որի հետևանքով բյուրավոր ընտանիքներ՝ անտուն-անտեր մնացած՝ տանապալից գաղթի մատնվում:

Ս. Էջմիածնի Գերագույն հոգևոր խորհուրդը ուժգնապես բողոքում է այս անիրավությունների դեմ, որ հակառակ է կրոնի և քաղաքակրթության պահանջներին և վիրավորական մարդկային խղճին: Մենք վստահ ենք՝ թե բոլոր կրոններն ու քաղաքակիրթ պետությունները բողոքի ավելի ուժգին ձայն կբարձրացնեն այս գազանաբարո երևույթներին վախճան տալու համար: Սակայն ույժը ույժով է զսպվում, և ույժը միության մեջ է: Ուստի պետք է միանան բոլոր նոքա, որոնք անարդարության զոհ են գնացել, բոլոր նոքա, որոնք անարդարություն ճաշակելու դրանն են կանգնած, պիտի պայքարեն բոլոր զորավորները, որոնք արդարության և ճշմարտության դավանողներ

են, որոնք մարդկային ազատության կողմնակից և կուլտուրական արժեքների պաշտպան են, որոնք կամենում են ապագայում ազատ ապրել ու զարգանալ:

Հայ ժողովուրդը այսօր ավելի, քան երբևէ հավատում է մեր և դաշնակիցների հաղթանակին: Մեր վախճանական հաղթության գրավականն է խորհրդային Միության ժողովուրդների բարոյական միությունը և նյութական լայն աջակցությունը բանակին: Մեր քաջարի զորքի հերոսությունը, նորագման պայքարելու և թշնամուն դիմադրելու աննկուն կամքը, բոլոր մյուս ազգերի համակրությունը: Անգլիայի և Ամերիկայի հզոր և հարուստ պետությունների դաշնակցությունն ու աջակցությունը և մեր պայքարի արդարությունը:

Թո՛ղ Տերը տևական անէ հայ ժողովրդի պայքարող ոգին և նորա միությունը պահպանէ:

Թո՛ղ Տերը զորացնէ մեզ մեր հայրենիքը պաշտպանելու և թշնամուն ջախջախելու:

Թո՛ղ Տերը արդարության և բոլոր ազգերի իրավունքի պաշտպան հանդիսանա՝ պարգևելով նոցա արդար հաղթանակ, որպեսզի ալեկոծ աշխարհը խաղաղի և ետ պատերազմյան մարդկային կյանքը արդար սկզբունքներով կառուցվի:

Տերը մեզ հետ է և մեր հաղթանակը անխուսափելի. «Եթէ Տէր ընդ իս է, ո՛վ կարէ կալ մեզ հակառակ»:

Նախագահ Գերագույն հոգևոր խորհրդի՝

Գևորգ արքեպիսկոպոս Զորեքյան
Ազգընտիր տեղակալ Ամենայն Հայոց
Հայրապետության

ՀՍՍՀ ՊԿՊԱ, ֆ. 409, գործ 5190, թերթ 2—8:

Ծնթ.—Սույն կոչը առաջին անգամ հրատարակվել է «Հասկ» ամսագրում, 1942 թ., № 9—12, էջ 150—152:

Սույն կոչը 1942 թվականի սեպտեմբերի 20-ին պաշտոնական կից գրություններով ուղարկվել է սփյուռքի նվիրապետական Աթոռներին, ներքին և արտաքին բոլոր հայկական թեմերին:

№ 4

Ի. Վ. ՍՏԱԼԻՆԻ ՀԵՌԱԳԻՐԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ
ՏԵՂԱԿԱԼ ԳԵՎՈՐԳ ԱՐՔԵՊԻՍԿՈՊՈՍ ԶՈՐԵՔՅԱՆԻՆ՝
ՍՓՅՈՒՌՔԱՀԱՅՈՒԹՅԱՆ ԵՎ ՀՈԳԵՎՈՐԱԿԱՆՈՒԹՅԱՆ ԿՈՂՄԻՑ
«ՍԱՍՈՒՆՑԻ ԴԱՎԻԹ» ՏԱՆԿԱՅԻՆ ՇԱՐԱՍՅԱՆ ԿԱՌՈՒՑՄԱՆ ՀԱՄԱՐ
ՄԻՋՈՑՆԵՐ ՆԵՐԴՆԵԼՈՒ ՄԱՍԻՆ

№ 2706

22 հունվարի 1942 թ.
Մոսկվայից

Բարձրագույն կառավարական, Երևան, Ամենայն Հայոց կաթողիկոսի տեղակալ արքեպիսկոպոս Գևորգ Զորեքյանին

Խնդրում եմ հաղորդել Սասունցի Դավթի անվան տանկային շարասյան կառուցման համար միջոցներ ներդնող հավատացյալ հայությանը և էջմիածնի

կան ջախջախումն արագացնելու նպատակով՝ Էջմիածինը Սասունցի Դավթի անվամբ տանկային շարասյուն կառուցանելու ֆոնդին նվիրաբերում է թանկարժեք իրեր՝ ավելի քան ութ հարյուր հազար ռուբլի արծողությամբ, և հազար անգղիական ֆունտ ստերլինգ և հիսուն հազար ռուբլի:

Այլև խնդրում են Ձեր տնօրինությունը ՍՍՌՄ պետական բանկում հատուկ հաշիվ բանալու մասին:

Միաժամանակ հատուկ կոնդակով դիմում են աշխարհի բոլոր հավատացյալ հայերին, որ իրենց խնայողություններով մասնակցեն Սասունցի Դավթի անվամբ տանկային շարասյան կառուցմանը: Կատարելապես հավատացած են, որ՝ թե՛ տեղական, և թե՛ արտասահմանյան հայությունը կարձագանքե մեր հովվական կոչին, ինչպես արձագանքեց պատերազմի սկզբին մեր կոնդակին՝ կազմակերպելով հայ բոլոր գաղութներում կարմիր բանակին և տուժած բնակչության օգնելու կոմիտեներ, որոնք հանգանակեցին և ուղարկեցին ավելի քան 65.000 դոլլար ու ներկայումս շարունակում են իրենց գործունեությունը:

Թանկագին Իոսիֆ Վիսսարիոնովիչ, ընդունեցեք մեր օրհնությունը և հավատացյալ հայ ժողովրդի ու հոգևորականության ողջույնը:

Ազգընտիր տեղակալ Ամենայն Հայոց Հայրապետության՝

Գ. Ա. 2.

Գևորգ արքեպիսկոպոս Չորեքյան

ՀԱՍՀ ՊԿՊԱ, ֆ. 409, գ. 1646, թ. 7: Հեղինակային սևագրություն:

¹ Նամակը թարգմանված է ռուսերեն և ուղարկված Ի. Վ. Ստալինին:

² Այնուհետև ջնջված է. մաղթում են, որ մա պարգևե:

№ 6

ԱԶԳԸՆՏԻՐ ՏԵՂԱԿԱԼ ԱՄԵՆԱՅՆ ՀԱՅՈՑ ՀԱՅՐԱՊԵՏՈՒԹՅԱՆ ԳԵՎՈՐԳ
ԱՐՔԵՊԻՍԿՈՊՈՍ ՉՈՐԵՔՅԱՆԻ ԿՈՉԸ ՀԱՅ ՀԱՎԱՏԱՑՅԱԼ
ԺՈՂՈՎՐԴԻՆ՝ ՀԱՅՐԵՆԻՔԻ ՊԱՇՏՊԱՆՈՒԹՅԱՆԸ ՕԳՆԵԼՈՒ,
«ՍԱՍՈՒՆՑԻ ԴԱՎԻԹ» ՏԱՆԿԱՅԻՆ ԾԱՐԱՍՅԱՆ ԿԱՌՈՒՑՄԱՆ ՀԱՄԱՐ
ՄԻՋՈՑՆԵՐ ՆԵՐԴՆԵԼՈՒ ՄԱՍԻՆ

№ 24

2 փետրվարի 1943

Էջմիածին

Կ ո չ

Հայ հավատացյալ ժողովրդին

Մեկ ու կես տարի է, որ գերմանական զորաբանակները ներխուժել են մեր միութենական ժողովուրդներին ստրկացնելու և նոցա երկիրը իրենց նպատակներին շահագործելու համար:

Մեկ ու կես տարի է, որ ռուս ժողովուրդն էլ՝ միութենական մյուս ազգերի հետ, ամեն զոհաբերություն հանձն առնելով, համառ դիմադրություն է ցույց տալիս պաշտպանելու համար իր պատիվը, իր հայրենիքն ու իր ազատությունը:

Պարծանքով պիտի շնչոտեն, որ հայ ժողովուրդն էլ, հավատարիմ իր անցյալ պայքարող ոգուն, իր բոլոր հոգով նվիրվեց Հայրենական ահալոր

պատերազմին, քաջաբար և անձնվիրաբար կռվեց նացիստների աշխարհակալության և բռնակալության դեմ, պատերազմի ընթացքում բազմաթիվ հերոսներ տվավ հանուն Մեծ Միության պատվին ու հաղթանակին, հանուն ընդհանուր հայրենիքի ազատության և անկախության, հանուն մարդկության լավագույն ապագայի:

Ծանր օրեր ապրեց մեր հայրենիքը, ծանր դառնություններ ճաշակեց մեր ժողովուրդը, բայց այդ բոլորը տարավ համբերությամբ, դժվարությանց դեմ մարտելով, իր բոլոր ուժերը լարելով և տրամադրելով հայրենիքի ազատության գործին, հուսալով և հավատալով Հայրենական պատերազմի հաղթական վախճանին: Եվ չսխալվեցավ:

Այսօր բախտի անիվը դարձել է դեպի մեզ. գերմանական զորքերի ռազմաճակատները ամենուրեք ճեղքվել են կարևոր ուղղություններով և նախաձեռնությունը անցել է կարմիր բանակի ձեռքը:

Ամբողջ երկիրը, հայրենասիրական ոգևորությամբ լցված, ջերմագին ուղջունում է հայրենիքի պաշտպանության վերին ղեկավարության ու հերոս մարտիկներին: Սակայն մեր առաջը դեռ դժվար պայքար կա, որ պահանջում է մեզնից մեծ զոհաբերություն և՛ մարդու, և՛ դրամի: Մենք մեծ կարիք ունենք տանկերի և ինքնաթիռների, և ամբողջ երկիրը զբաղված է այսօր ճակատին այդ կարևոր զենքերը մատակարարելու հոգսով:

Խորհրդային Միության բոլոր ժողովուրդները, հայրենասիրական մեծ ոգևորությամբ տոգորված, և՛ թիկունքում, և՛ ճակատում, խոշոր թափով ու լարված, անձնվիրաբար աշխատում են և կռվում Հայրենական պատերազմի հաղթական վախճանը ապահովելու համար:

Խորհրդային Միության կրոնական համայնքների բոլոր ներկայացուցիչները՝ և՛ քրիստոնյա և՛ ո՛չ քրիստոնյա՝ իրենց հոտով առատ նվիրաբերությամբ նպաստում են թիկունքի զորացման և ճակատի հաջողության:

Էջմիածինն էլ, տեսնելով հայ ժողովրդի ոգևորությունը և անձնվեր աշխատանքն ու պայքարը հանուն հայրենիքի ազատության, իբրև իր ժողովրդի կամքի արտահայտություն, իրավունք համարեց առատ նվիրատվությամբ աջակցել Հայրենական պատերազմի հաջողության և պատասխանատու մեծ դեր է ստանձնել խնդրելով բանալ պետական բանկում հատուկ հաշիվ ի նպաստ պատերազմի:

Իմ սիրելի ժողովուրդ, դո՛ւ որ պատերազմի սկզբից նվիրված ես հայրենիքի պաշտպանության և ցանկացել ես տեսնել Հայրենական պատերազմի հաղթական վախճանը, դու որ միշտ հետևել ես ս. Էջմիածնին, դու այսօր էլ անշուշտ առատորեն կբերես քո խնայողություններդ մասնակցելով Սասունցի Դավթի անվան տանկային շարայան կառուցման: Առավել ևս դուք արտասահմանի հայություն, նստանավանդ ամերիկահայություն, որ զատ եք մնացել ահեղ պատերազմի արհավիրքներից և մայր երկրի ձեր հարազատ եղբայրների ապրումներով եք տառապել ու նորա վարած ազատագրական պատերազմի հաջողության համար մինչև այժմ չեք խնայել ձեր նյութական ու բարոյական աջակցությունը կարմիր բանակին և մայր երկրի որբացյալ ընտանիքներին, վստահ եմ թե՛ այժմ էլ ձեր առատ նվերներով, կնպաստեք թշնամու շուտափույթ ջախջախման ու վտարման մեր երկրից:

Օրհնում եմ քեզ, հայ ժողովուրդ, և մաղթում, որ Տերը քո պայքարող ոգին հանուն ազատության և հանուն քրիստոնեական վեհ գաղափարների, միշտ կենդանի պահե:

Օրհնում եմ կարմիր բանակը և նրա Գերագույն հրամանատարությունը



և մաղթում, որ Բարձրալը առավել ևս զորացնե մոցա հայրենիքը պաշտպանելու և թշնամուն ջախջախելով վտարելու մեր երկրից:

Մաղթում եմ ամենաբարի Աստծուն, որ ազատե մարդկությունը այս արհավիրքներից և խաղաղություն պարգևե աշխարհին:

Ազգընտիր տեղակալ Ամենայն Հայոց
Հայրապետության

ՀՍՍՀ ՊԿՊԱ, ֆ. 409, գ. 962, թ. 2, բնագիր, մեքենագիր:

№ 7

ՀՍՍՀ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ ԳՐՈՒԹՅՈՒՆԸ
ԱՐՔԵՊԻՏԱԿՈՊՈՍ ԳԵՎՈՐԳ ԶՈՐԵԲՅԱՆԻՆ՝ ԱՄՆ-ԻՑ ՍՏԱՑՎԱԾ
ԴՐԱՄՆԵՐՈՎ ՀԱԳՈՒՍՏԵՂԵՆ ԳՆԵԼՈՒ ԵՎ ԲԱՆԱԿԱՅԻՆՆԵՐԻ
ԵՐԵՒԱՆԵՐԻՆ ԲԱԺԱՆԵԼՈՒ ՄԱՍԻՆ

№ 0—37

28 ապրիլի 1943 թ.
Երևան

ПРЕЗИДИУМ
ВЕРХОВНОГО СОВЕТА
АРМЯНСКОЙ ССР

ՀԱՅԿԱՍՏԱՆԻ ՍՍՀ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ

ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ ԳՐՈՒԹՅՈՒՆԸ

26-18 (1943 թ.)
№ 0-37

ԱՄՆԱՆ ՀԱՅՈՑ ԿԵՐԱԳՈՒՅՆՈՒ Տ Ե Ղ Ե Վ Ա Լ -
ԱՐՔԵՊԵՍԻՏԱԿՈՍ ԳԵՎՈՐԳ ԶՈՐԵԲՅԱՆԻՆ

Քորդ եւս համարում տեղեկացնել Ձեզ, որ Գաղտնի տեղեկություններ
հասցնել ուղարկված 1938 թվականի մեր երկրից տարածվել է և Ա.Գ. Գալստյան
եւս է ընդմեջ լրացուցել հարցազեկ, որը համարվում է բանակային տեղեկություններ
երկրային:

Մեր խորին շնորհակալությունն եւս հայտնում Գաղտնի տեղեկություններ
երկրային տեղեկություններ ուղարկված և հարցազեկ, որը համարվում է բանակային տեղեկություններ

ՀԱՅԿԱՍՏԱՆԻ ՍՍՀ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ
ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ ԳՐՈՒԹՅՈՒՆԸ

12. ԳԱԼՍՏՅԱՆ Գ. Գալստյան

**Ամենայն Հայոց կաթողիկոսի տեղակալ—
արքեպիսկոպոս՝ Գևորգ Չորեքչյանին**

Պարոք ենք համարում տեղեկացնել Ձեզ, որ սովետական կառավարության հասցեով ուղարկված 15580 դոլլարը մեր կողմից ստացվել է: Այդ գումարով ձեռք է բերված լրացուցիչ հագուստեղեն, որը բաժանվում է բանակայինների երեխաներին:

Մեր խորին շնորհակալությունն ենք հայտնում Սովետական Հայաստանի երեխաների նկատմամբ ցուցաբերած ուշադրության և հոգատարության համար:

Հայկական Սովետական Սոցիալիստական Ռեպուբլիկայի
Գերագույն սովետի նախագահության քարտուղար

(Հ. Գալստյան)

ստորագրություն

ՀՍՍՀ ՊԿՊԱ, ֆ. 409, գ. 1655, թ. 4: Մեքենագիր, բնագիր:

№ 8

ԱՏՐՊԱՏԱԿԱՆԻ ՀԱՅՈՑ ԹԵՄԻ ԱՌԱՋՆՈՐԴ ՆԵՐՍԵՍ ԱՐՔԵՊԻՍԿՈՊՈՍԻ
ՀԵՌԱԳԻՐԸ ԳԵՎՈՐԳ ԱՐՔԵՊԻՍԿՈՊՈՍ ՉՈՐԵՔՉՅԱՆԻՆ՝ ԹԱՎՐԻՋԻ,
ՍԱԼՄԱՍՏԻ, ՈՒՐՄԻԱՅԻ ԵՎ ՄԱՐԱՂԱՅԻ ՀԱՅՅԵՐԻ ԿՈՂՄԻՑ «ՍԱՍՈՒՆՑԻ
ԴԱՎԻԹ» ՏԱՆԿԱՅԻՆ ԾԱՐԱՍՅԱՆ ԿԱՌՈՒՑՄԱՆ ՖՈՆԴԻՆ
ՆՎԻՐԱԲԵՐԱԾ ԴՐԱՄԻ ՄԱՍԻՆ

(մայիս-հունիս) 1943 թ.*

**Էջմիածին, Ամենայն Հայոց կաթողիկոսի տեղակալ
Գևորգ արքեպիսկոպոսին**

Թավրիզի, Սարմատի, Ուրմիայի և Մարաղայի հայերը հավաքելով 267305 ռեալ հոգուտ «Սասունցի Դավիթ» տանկային շարասյան կառուցման ֆոնդի, հանձնեցին ՍՍՌՄ Թավրիզի Գլխավոր հյուպատոսին՝ ըստ պատկանելույն ուղարկելու համար:

**Ատրպատականի հայոց թեմի առաջնորդ
Ներսես արքեպիսկոպոս**

ՀՍՍՀ ՊԿՊԱ, ֆ. 409, գ. 4105, թ. 14, ուսերեն հեռագրի թարգմանության բնագիրը, ձեռագիր:

* Ձեռագիրը՝ անթվակիր է, տարեթիվը որոշվել է ելնելով հարակից փաստաթղթերի թվագրությունից:

№ 9

ՍՍՀՄ ԱՐՏԱՔԻՆ ԳՈՐԾԵՐԻ ԺՈՂՈՎՐԴԱԿԱՆ ԿՈՄԻՍԱՐԻԱՏԻ
ՎԱՆՔՈՒՏԱ-ՖԻՆԱՆՍԱԿԱՆ ԲԱԺՆԻ ՎԱՐԻՉ ԳՐԻԳՈՐԵՎԻ ԳՐՈՒԹՅՈՒՆԸ
ԿԱԹՈՂԻԿՈՍԻ ՏԵՂԱԿԱԼ ԳԵՎՈՐԳ ԱՐՔԵՊԻՍԿՈՊՈՍ ՉՈՐԵՔՉՅԱՆԻՆ՝
ԻՐԱՆԱՀԱՅԵՐԻ ԿՈՂՄԻՑ ԷԶՄԻԱԾՆԻ ԱՆՎԱՄԲ ՀԱՆԳԱՆԱԿՎԱԾ ՈՒ
ՍՈՎԵՏԱԿԱՆ ՀՅՈՒՊԱՏՈՍՈՒԹՅԱՆԸ ՀԱՆՁՆՎԱԾ ԴՐԱՄԻ ՄԱՍԻՆ

**Արտաքին գործերի ժողովրդական կոմիսարիատ
վալյուտա-ֆինանսական բաժին**

№ 888

7 հունիսի 1943 թիվ
Մոսկվա**Էջմիածնի վանք****Կաթողիկոսի տեղակալ արքեպիսկոպոս Գևորգ Չորեքչյանին**

Իսպախանի (Իրան) մեր հյուպատոսի հաղորդման համաձայն Ջուլֆայի
և Հարավի հայկական եկեղեցական խորհուրդը հավաքել ու հյուպատոսու-
թյան գանձարկոյն է մուծել 120.583 ռեալ և 2 ոսկի ոտքի և խնդրել է տեղե-
կացնել Ձեզ այդ ներդրման մասին:

Կատարելով Ջուլֆայի և Հարավի հայկական եկեղեցական խորհրդի
խնդիրը, Արտգործոժողկոմի վալյուտա-ֆինանսական բաժինը այդ մասին
Ձեզ տեղեկություն է հասցնում և միաժամանակ հայտնում է, որ ներմուծվող
ռեալների էկվիվալենտը փոխանակվելով սովետական վալյուտայի, որը կազ-
մում է 19.811 ոտքի 79 կոպեկ, 7.6.43 թ. մեր կողմից հեռագրով փոխանցված
է ՍՍՀՄ պետքանգի Երևանի գրասենյակի կաթողիկոսի ընթացիկ հաշվի վրա,
պահում կատարելով 15 ոտք., որը ծախսված է նշված գումարը Մոսկվայից
Երևան փոխադրելու համար: Մուծված երկու ոսկի ոտքիները մեր կողմից
դեռ չի ստացվել: Նրանց ստացվելու դեպքում կուղարկվեն Ձեզ:

Ընթացիկ հաշվի վրա մուտք եղած գումարների մասին հաղորդեք Արտ-
գործոժողկոմի վալյուտա-ֆինանսական բաժին հետևյալ հասցեով.

Մոսկվա, Կուզնեցկի մոսո 21/5 Արտգործոժողկոմ, վալյուտա-ֆինանսա-
կան բաժին:

**Վալյուտա-ֆինանսական բաժնի վարիչ
ստորագրություն (Գրիգորև)**

ՀՍՍՀ ՊԿՊՍ, ֆ. 409, գ. 1855, թ. 5, քնագիր, մեքենագիր: Թարգմանված է ռուսերենից:

№ 10

ԵՐՈՒՍԱՂԵՄԻ ՀԱՅՈՑ ՊԱՏՐԻԱՐԷ ՄԵՍՐՈՂ ԱՐՔԵՊԻՍԿՈՊՈՍԻ
ԳՐՈՒԹՅՈՒՆԸ ԿԱԹՈՂԻԿՈՍԻ ՏԵՂԱԿԱԼ ԳԵՎՈՐԳ ԱՐՔԵՊԻՍԿՈՊՈՍ
ԶՈՐԵՔԶՅԱՆԻՆ՝ ՄԱՅՐ ԱԹՈՌԻՆ ԵՎ ՀԱՅՐԵՆԻՔԻ ՊԱՇՏՊԱՆՈՒԹՅԱՆԸ
ՑՈՒՅՑ ՏՎԱԾ ԴՐԱՄԱԿԱՆ ՕԳՆՈՒԹՅԱՆ ՄԱՍԻՆ

№ 2447/27

7 սեպտեմբերի 1948

Երուսաղեմ

Ամենապատիվ տ. Գեորգ ա. արքեպս. Չորեքչյան
տեղակալ Ամենայն Հայոց կաթողիկոսության

Մայր Աթոռ, ս. Էջմիածին

Ամենապատիվ ս. Եղբայր,

Ձեր Ամենապատվության հայրենաշունչ և սրտառույշ կոչին ի պատաս-
խան, մեր թեմին մերազն համայնքները հանգանակություն կատարեցին հո-
գուտ Հայաստանի և գոյացավ ԼՊ, 2000,—(երկու հազար պաղեստինյան
ոսկի):

Սույն գումարը 26 օգոստոսի տեղվույս պանք Օթոմանի միջոցով հեռա-
գրական առաքումով դրկեցինք Մոսկվայի Պետական պանքին Ձեր Ամենա-
պատվության փոխանցելու Երևանի մեջ և հանձնելու Հայաստանի պետական
իշխանության հառաջադրված նպատակին հատկացնելու համար:

Պիտի խնդրեինք որ Ձեր Ամենապատիվ եղբայրությունը հեռագրով հաղոր-
դեր մեզ գումարին ստացումը ի տեղեկություն և ի միամտություն բոլոր անոնց
որ բարի մտադրությունը ունեցան օգնելու հայրենիքի ազատության և սրբ-
ությանց ապահովության և հաղթանակին համար զոհաբերվող իրենց եղ-
բայրներուն և քույրերուն:

Կաղոթենք որ Տիեզերքի արդարության հոգին Աստված իր ամենակարող
զորությամբ, հաշողությամբ պսակե անոնց և անոնց պատվական առաջնորդ-
ներուն և զենքի ընկերներուն այս զոհաբերությունը և շուտով ծագի խաղա-
ղության և երջանկության նոր արշալույսը ոռոսական մեծ ազգին և անոր հո-
վանիին տակ ապրող բոլոր հավատարիմ ժողովուրդներուն:

Մաղթելով առողջություն և արեւատություն Ձեր Ամենապատվության և
Գերագույն հոգևոր խորհուրդի պատ. անդամներին,

մնամք եղբայրական ողջույնիվ,
սիրով աղոթակից,

Մեսրոպ արքեպիսկոպոս
Պատրիարք ս. Երուսաղեմի

ՀՍՍՀ ՊԿՊՍ, ֆ. 409, գ. 4529, թ. 3, մեքենագիր, բնագիր:

№ 11

ՏԱՆԿԱՅԻՆ ԱՐԴՅՈՒՆԱԲԵՐՈՒԹՅԱՆ ԺՈՂՈՎՐԴԱԿԱՆ ԿՈՄԻՍԱՐ
Վ. Ա. ՄԱԼԻՇԵՎԻ ՀԵՌԱԳԻՐԸ ԳԵՎՈՐԳ ԱՐՔԵՊԻՍԿՈՊՈՍ
ԶՈՐԵՔԶՅԱՆԻՆ

№ 52

2 հոկտեմբերի 1943 թ.

Մոսկվայից

Կառավարական, Հայկ. ՍՍՀ, Էջմիածին

Գերագույն հոգևոր խորհուրդ, արքեպիսկոպոս Գևորգ Զորեքչյանին

Գերագույն հոգևոր խորհրդի հավաքած միջոցներով կառուցված Սասունցի Դավթի անվան տանկային շարասյունը պատրաստ է բանակին հանձնելու: Հեռագրեցեք պաշտպանության ժողովուրդ [ԴՄՓ]¹ պետ գնդապետ Կոլոտովին «Սասունցի Դավթ» տանկային շարասյունը 19598 զորամասին հանձնմանը մասնակցելու համար նոյեմբերի առաջին կեսին Ձեր ներկայացուցչի Մոսկվա գալու հնարավորության մասին:

Տանկային արդյունաբերության ժողովրդական կոմիսար²

Մալիշևսկի:

ՀՍՍՀ ՊԿՊԱ, ֆ. 409, գ. 1647, թթ. 1—2, բնագիր: Թարգմանված է ռուսերենից:

¹ Բնագրում կարդացվում է նաև ԴԱՓ:² Մալիշևսկի Վլադիմիր Ալեքսանդրովիչ (բնագրում ազգանունը աղտվադված է). ինժեներ-ռա-տեխնիկական ծառայության գեներալ-գնդապետ, սովետական արդյունաբերության կազմակերպողներից մեկը, պետական գործիչ (1902—1957):

№ 12

ՏԱՆԿԱՅԻՆ ԶՈՐԵՔԻ ԳԵՆԵՐԱԼ-ԼԵՅՏԵՆԱՆՏ Ն. ԲԻՐՅՈՒԿՈՎԻ
ՀԵՌԱԳԻՐԸ ԳԵՎՈՐԳ ԱՐՔԵՊԻՍԿՈՊՈՍ ԶՈՐԵՔԶՅԱՆԻՆ՝ «ՍԱՍՈՒՆՑԻ
ԴԱՎԻԹ» ՏԱՆԿԱՅԻՆ ԸԱՐԱՍՅԱՆ ԿԱՌՈՒՑՈՒՄՆ ԱՎԱՐՏԵԼՈՒ ԵՎ
ԶՈՐԱՄԱՍ ՀԱՆՁՆԵԼՈՒ ՄԱՍԻՆ

№ 9871

27 հոկտեմբերի 1943 թ.

Մոսկվայից

Էջմիածին, Ամենայն Հայոց կաթողիկոս և Ծայրագույն Պատրիարք
արքեպիսկոպոս Գևորգ Զորեքչյանին

Հայտնում ենք, որ Ձեր հավաքած միջոցներով կառուցվել է Սասունցի Դավթի անվան տանկային շարասյունը: Տանկային շարասյունը որոշված է զորամաս հանձնել ա. թ. նոյեմբերի վերջին ուր/ԴՄՓ 32¹:

Տանկային զորքերի գեներալ-լեյտենանտ

Բիրյուկով²

ՀՍՍՀ ՊԿՊԱ, ֆ. 409, գ. 1647, թ. 3, բնագիր: Թարգմանված է ռուսերենից:

¹ Հասցեի հապավումը չի թարգմանվում. հրատարակվում է նույնությամբ:² Բնագրում գրված է Բիրյուկով:

№ 13

ԲԱՆԱՍՏԵՂԾ ԱՎԵՏԻՔ ԻՍԱՀԱԿՅԱՆԻ ԳՐՈՒԹՅՈՒՆԸ «ՄՈՍԿՈՒ ՆՅՈՒՋ»
ԹԵՐԹԻ ԽՄԲԱԳՐՈՒԹՅԱՆԸ՝ ԳԵՎՈՐԳ ԱՐՔԵՊԻՍԿՈՊՈՍ ՉՈՐԵՔՉՅԱՆԻ
ՀԵՏ ԻՐ ՈՒՆԵՑԱԾ ՀԱՐՑԱԶՐՈՒՅՑԻ ՄԱՍԻՆ

4 փետրվարի 1944 թ.

**Հարցազրույց Հայոց կաթողիկոսի տեղակալ
Գևորգ արքեպիսկոպոս Չորեքչյանի հետ**

Ձեր առաջարկը՝ ինձ ուղղած, ինտերվյու ունենալու կաթողիկոսի տեղակալ
Գևորգ արքեպիսկոպոս Չորեքչյանի հետ Ձեր առաջադրած հարցերի հա-
մար, կատարում եմ սիրով:

Տեսակցությունը տեղի է ունենում Էջմիածնում, կաթողիկոսարանի (Վե-
հարան) «Ծաղկյալ» կոչված դահլիճում, որ կառուցված է 17-րդ դարում:
Դահլիճի առաստաղը արևելյան ստիլի ծաղկանկար ֆրեսկաներ ունի, որոն-
ցից և ստացել է իր անունը: Դահլիճը զարդարված է նշանավոր կաթողիկոս-
ների պատկերներով, Էջմիածնի և ուրիշ հին հոշակավոր վանքերի նկարնե-
րով—բոլորն էլ գործեր հայ անվանի նկարիչների:

Սրբազան տեղակալին առաջարկում եմ Ձեր հարցերը:

Ինչպե՞ս արձագանքեցին արտասահմանյան հայկական շրջանները տե-
ղակալի հայտնի վերաբերմունքին, որի մասին հրատարակված էր «Moscow
News»-ի մեջ:

Սրբազանի պատասխանը:

— Հայրենական պատերազմի առթիվ մեր ուղարկած կոչերն ու դիմում-
ները աշխարհում սփռված հայությանը—ուր որ հայ համայնքներ և եկեղեցի-
ներ կան—չերմ արձագանք գտան: Ամերիկայում, Եվրոպայում և արևելքում
հայ համայնքները միտինգներ կազմեցին, մեծ ոգևորությամբ ընտրվեցին
հանձնախմբեր տնտեսական և քարոշական աջակցություն ցույց տալու սովե-
տական ժողովրդին գերմանաֆաշիստական զավթիչների դեմ մղվող Հայրե-
նական պատերազմում: Ստացվեցին դրամական գումարներ, նպաստ մեր
պանծալի կարմիր բանակին, և «Սասունցի Դավթի» տանկային զորապետ
կազմելու համար. նաև դեղեր: Դրամական այդ օժանդակությունները եկան
Նյու-Յորքից, Ֆրեզնոյից, Բուենոս-Այրեսից, Սիրիայի քաղաքներից, Կիպրոս
կղզուց, Թավրիզից, Սպահանից և այլ վայրերից. անընդհատ շարունակվում
են հանգանակությունները, ինչպես և գրավոր և բանավոր պրոպագանդան
ընդդեմ ֆաշիզմի, նպաստ խորհուրդների մեծ միության և Հայրենական պա-
տերազմի հաղթանակի:

Ստացված գումարների լրիվ ցանկը կհրապարակվի շուտով լույս տես-
նելիք Մայր Աթոռի օրգան «Էջմիածին»-ի հունվար-փետրվար համարում:

2. Ի՞նչ մասնակցություն ունի հայ-լուսավորչական եկեղեցին պատե-
րազմին. կոնկրետ՝ դրամական և իրաչին հանգանակություններ, քարոզներ՝
ուղղված հավատացյալներին:

Սրբազանը պատասխանում է.

— Պատերազմի սկզբից բազմաթիվ կոչեր ենք ուղարկել հայերին և հայ
եկեղեցիներին, սակայն դրանց միջից առանձնացնում ենք «Կոչ համայն հա-
յության» վերնագիր կրողը, որը խրախույս էր կարդում խանդավառ հորդո-
րանքներ հայ ժողովրդին և հայ զինվորներին անձնուրացությամբ կռվելու մեր

մեծ հայրենիքը պաշտպանելու համար, հայրենի նվիրագործված սրբությունները, հայրենիքի և ժողովրդի պատիվը պաշտպանելու համար կյանքի և ստացվածքի գնով: Այս իր հերթին որոշ չափով նպաստեց մեր մարտիկների քաջությանը կոպելուն, ինչպես նաև թիկունքի նվիրվածությանը և միասնությանը:

— Կաթողիկոսարանը՝ գիտակից իր հայրենասիրական պարտքին, պատերազմի առաջին ամիսներում, նվիրեց հայրենիքի պաշտպանության կարիքներին պատմական և հնագիտական արժեք չներկայացնող զգալի քանակությամբ արձաթեղեն և պղնձեղեն, իրեր, իսկ հետո Սասունցի Դավիթի անունով տանկային շարասյուն կազմելու ֆոնդին ուրիշ մեծարժեք իրեր 800,000 ռուբլի արժողությամբ, 75,000 ռուբլի դրամով, 1000 անգլիական ֆունտ ստերլինգ:

Այս առթիվ մեծ պատիվ ունեցա մեր մեծամուն առաջնորդից՝ մարշալ Ստալինից շնորհակալական հեռագիր ստանալու Էջմիածնի հոգևորականությանը և հայ հավատացյալներին ողղված:

3. Տեղակալը ի՞նչպես է արժեքավորում Հայկական ժողովմունքի կից՝ հայ-լուսավորչական եկեղեցու գործերի խորհրդի ստեղծումը:

Սրբազանը պատասխանում է՝

— Եկեղեցու գործերի խորհրդի ստեղծումը երաշխիք է սովետական իշխանության քարյացականությանը, դեպի Էջմիածինը, դեպի եկեղեցին: Այդ խորհրդի ստեղծումը նպաստում է հայ եկեղեցուն վերաբերվող կարևոր հարցերի լուծմանը նրա թե՛ տնտեսական և թե՛ կուլտուրական գործունեության ասպարեզում:

Դրա շնորհիվ դուրացավ և արագացավ Էջմիածնի օրացույցի լույս ընծայումը: Նախապատրաստվում է Մայր Աթոռի օգտին «Էջմիածին» ամսաթերթի 1944 թ. հրատարակությունը:

Այդ օրգանը կրելով կրոնական, հայրենասիրական բնույթ հետապնդում է հետևյալ նպատակները՝

1. Ամրապնդել Էջմիածնի կապը արտասահմանում ապրող հայերի հետ:
2. Հայ ժողովրդի մեջ բարձրացնել իր ունեցած հայրենասիրական զգացմունքները սովետական հայրենիքի՝ հարազատ Հայաստանի հանդեպ:

3. Ընթերցողներին ծանոթացնել Էջմիածնի կյանքի, գործունեության, հայկական եկեղեցու պատմության հետ ընդհանրապես, ինչպես նաև հնության հիշատակարանների հետ:

Էջմիածնի հոգևոր վարչության էական խնդիրները հանդիսանում են՝ պատրաստել հայ եկեղեցու բարձր և միջին կարգի պաշտոնյաներ: Այդ հնարավոր է իրականացնել ճեմարան հիմնելու միջոցով: Այդ հարցով մենք եկեղեցու գործերի խորհրդի միջոցով դիմել ենք կառավարությանը:

— Անկախ այս բոլորից, իբրև ապացույց այն ոգևորության և նշան այն խոր հարգանքի, որ տածում է հայությունը (գաղութահայությունը) դեպի ռուս մեծ ժողովրդի և նրա հանձնարել առաջնորդ Իոսիֆ Վիսարիոնովիչ Ստալինը, մեջ ենք բերում Ամերիկայի հայության ներկայացուցչական ժողովի, գումարված անցյալ հոկտեմբերի 3-ին, հեռագիրը, որ ստացված է դժբախտաբար շատ ուշ՝ սույն փետրվարի 2-ին. «Սրանով արտահայտում ենք մեր որդիական սերը և երախտագիտությունը համայն հայության Մայր Աթոռին: Համաժողովը խնդրում է, որպեսզի հաճիք սիրաճոժար հաղորդելու անարժաններին գնահատանքը Ստալինին՝ Սովետական Միության իմաստուն լիդերին՝ որի եռանդուն ղեկավարության շնորհիվ կարմիր բանակը կատարում

է հրաշքներ, հայրենիքի պաշտպանության գործում: Նաև հաղորդել Սովետական Հայաստանի նախագահին մեր նվիրվածությունը և եղբայրական զգացմունքները: Մենք պատրաստ ենք ամեն աջակցություն ցույց տալու մեր նոր Հայաստանի անվտանգությունը ապահովելու համար»:

Ավետիք Իսահակյան

4-ը փետրվարի 1944 թ.

ՀՍՍՀ ՊԿՊԱ, ֆ. 409, գ. 936, թ. 1—4, բնագիր, մեքենագիր:

№ 14

ԿԱԹՈՂԻԿՈՍԱԿԱՆ ՓՈԽԱՆՈՐԴ ԼԻԲԱՆԱՆԻ ՀԱՅՈՑ ԹԵՄԻ ԵՎ
ՀԱՆԳԱՆԱԿԻՉ ՀԱՄԱԶԳԱՅԻՆ ՀԱՆՁՆԱԺՈՂՈՎԻ ՆԱԽԱԳԱՀ
ԱՐՏԱՎԱԶԳ ԲՐԷՆԴԻՍԿՈՊՈՍԻ ԳՐՈՒԹՅՈՒՆԸ ԱԶԳԸՆՏԻՐ ՏԵՂԱԿԱԼ
ԳԵՎՈՐԳ ԲՐԷՆԴԻՍԿՈՊՈՍ ՉՈՐԵՔԶՅԱՆԻՆ՝ «ՍԱՍՈՒՆՑԻ ԴԱՎԻԹ»
ՏԱՆԿԱՅԻՆ ԸԱՐԱՍՅԱՆ ՀԱՄԱՐ ԴՐԱՄ ՀԱՆԳԱՆԱԿԵԼՈՒ ԵՎ ՄԱՅՐ
ԱԹՈՒ ՈՒՂԱՐԿԵԼՈՒ ՄԱՍԻՆ

№ 1818

27 ապրիլի 1944 թ.

Բեյրութ

Բարձրաշնորհ

Տեր Գեորգ ա. արքեպս. Չորեքչյան

Ազգընտիր տեղակալ Ամենայն Հայոց Հայրապետության

Ս. Է ջ մ ի ա ծ ի ն

Սիրելի Սրբազան Եղբայր,

8 ապրիլ թվակիր Ձեր հեռագիրը իր օրին հաճույքով և մեծ բավարարությամբ ստացեր էինք, որով կալեւտեիք հարյուր օրինակ Մայր Աթոռի օրացույցներու առաքումը, տասը օրինակը Ձերդ Սրբազնության կողմէ մեզի նվիրված, իսկ մնացյալը տեղական արժեքով վաճառելու և դրամը ուղարկելու Երուսաղեմի ամենապատիվ սրբազան պատրիարքին ա. Էջմիածնի համար տպարանական պիտույքներ գնելու: Մեր ուրախությունը անչափ եղավ երբ երկար սպասումէ հետո ասկէ մոտ շաբաթ մը առաջ հաճույք ունեցանք ստանալու նույնպէս 8 փետրվար թվակիր և 26 համարով գրությունը և երեկ ալ կտավձա ծրարներու մեջ հարյուր օրինակ գրպանի կազմված օրացույցները, զորս իբր Հայաստանէն ու Մայր Աթոռէն տեղացած մանանա, ու իբր հոգևոր հայր սիրով տրամադրեցինք, մեզի հատկացված տասը օրինակին հետ հարյուր բարեպաշտ ազգայիններու, որոնք մեծ գոհունակությամբ ընդունեցան մեր միջոցով Ձերդ Սրբազնության կողմէ իրենց ուղարկված այս թանկագին նվերը: Կհուսամ վաղը բոլորն ալ իրենց հասցեներուն դրկելէ հետո ավելի քան երկու հարյուր հիսուն դոլար կամ տասը հազար ֆրանք ուղարկել Երուսաղեմի ա. պատրիարքին:

Շուրջ տասը տարիէ ի վեր չէինք ընդունած Մայր Աթոռի օրացույց, այս առիթը կպարտինք Ձերդ Սրբազնության արթնամիտ ուշադրության, ինչպէս «Սիսունցի Դավիթ» հրատալային գորապույնի այն փառավոր ու հաղթական նախաձեռնությունը, որ պատմական պիտի մնա Ձեր լուսամիտ, Ձեր քաջ հովվի հավիտենական անվան: Ի սրտէ կշնորհավորեմ Ձեր Սրբազան Եղբայրությունը, Ձեր գտած այս ամենափալլուն հաջողության և վալելած այսքան ջերմ ժողովրդականության համար, որոնց այնքան արժանի եք: Իբր

Մայր Աթոռի միաբան, ուրիշներն ավելի իմ պարտականությունն է խնդակ-
ցիլ Ձեր Սրբազնության ու մոտավոր օր մը թերևս անձամբ:

Ի դեպ՝ ուրախությամբ հաղորդեմ Ձերդ Սրբազնության որ անցյալ 1943
տարվան ընթացքին Պելրուֆի Սուլիետ Հայաստանի բարեկամներու նախա-
ձեռնությամբ հոս հանգանակված և թեհրանի միջոցով Հայաստան ուղարկ-
ված 8000 լ. ոսկի գումարը անբավական գտնելով մեր ժողովուրդի թվին և ո-
րակին, շուրջ ամիս մը առաջ մեր նախագահությամբ կազմվեցավ «Սասունցի
Դավիթ» հրաապյլին գորապուրնի համագգային հանձնաժողով, որ ցարդ հա-
ջողեցավ կարճ ատենի մեջ հանգանակել շուրջ յոթանասուն հազար լիբա-
նանական թղթադրամ և որ կհանգի հարյուր հազարի, ամենեկն մեծ նպաստը
բոլոր թեմերեն: Այս մասին առանձին հաղորդագրություն կըլլա Ձեր Սրբազ-
նության:

Մասնավոր գոհունակությամբ տեղեկացանք որ Ձեր Սրբազնության
արթնամիտ կարգադրությամբ ի մոտո պիտի վերաբացվի Մայր Աթոռի տպա-
րանը, թե լուս պիտի տեսնի «Էջմիածին» ամսագիրը, և ինչ որ ամենեկն խրա-
խուսելին է, ի մոտո պիտի վերաբացվի հոգևոր ճեմարանը, շուտով պատ-
րաստելու համար նորահաս եկեղեցականներ: Բոլոր գաղութահայությունը
հրճվանքով դիմավորեց երկու օր առաջ Մոսկվայեն հաղորդված սույն բա-
րեղեպ լուրը: Ի սրտե հաջողություն կմաղթեմ Ձեր Եղբայրության ու անկեղ-
ծորեն կթեղադրեմ որ Երուսաղեմեն երկու բարեկրոն վարդապետ հրավիրեք
Մայր Աթոռ, օգնելու համար Ձեր առաջադրած ծրագիրներուն:

Եղբայրական սիրո ողջունիլ, մնամ աղոթակից

Կաթ. փոխ. հայոց Լիբանանի
Արտավազդ արքեպիսկոպոս

ՀՍՍՀ ՊԿՊԱ, ֆ. 409, գ. 5195, թ. 1, քնագիր, մեքենագիր:

№ 15

ՍՍՌԻ ՊԵՏԱԿԱՆ ՀԱՅԿԱԿԱՆ ԳՐԱՍԵՆՅԱԿԻ ԿԱՌԱՎԱՐԶՈՒԹՅԱՆ
ԳՐՈՒԹՅՈՒՆԸ ԳԵՎՈՐԳ ԱՐՔԵՊԻՍԿՈՊՈՍ ԶՈՐԵԶՅԱՆԻՆ՝ «ՍԱՍՈՒՆՑԻ
ԴԱՎԻԹ» ՏԱՆԿԱՅԻՆ ԾԱՌԱՍՅԱՆ ՀԱԾՎԻՆ ՓՈԽԱՆՑՎԱԾ ԵՎ
ԿԱԹՈՂԻԿՈՍՈՒԹՅԱՆ ԱՆՈՒՆՈՎ ՍՏԱՑՎԱԾ ԴՐԱՄՆԵՐԻ ՄԱՍԻՆ

№ 22

30 ապրիլի 1944 թ.
Երևան

Հայոց կաթողիկոսի տեղակալ Գ. Չորեքչյանին

Երևան

Ի լրումն մեր Ձեզ ուղարկված տեղեկանքին այսու հայտնում ենք Ձեզ
ի գիտություն, որ Ձեր հասցեով ստացված է հետևյալ փոխադրությունները՝

1. Հունվարի 26-ին 43 թ. Մոսկվայից 10000 դոլար գումարով 53000 ուրբ.
(Լոնդոնից)
2. Փետրվարի 18-ին 43 թ. Մոսկվայից 393-53 դոլար գումարով 2085—,
71 կ. (Թեհրան)
3. Փետրվարի 21-ին 43 թ. Մոսկվայից 10000 ֆունտ գումարով 213800
ուրբ. ստերլինգ
Ընդամենը—ուրբի 268885—71 կ.

Միաժամանակ հայտնում ենք, որ համաձայն Ձեր գրավոր կարգադրության, առ 21/4—1944 թ. սույն ամսի 23-ին փոխանցված է «Դավիթ Սասունկու» անվան տանկային շարասյան հաշվին 374885 ռուբ.—71 կոպ. և Գեորգույն հոգևոր խորհուրդի նախագահի հաշվին 42760. ընդամենը 417645 ռ.—71 կ.¹:

Այսպիսով առ 28-ը մայիսի ս/թ. Ձեր ընթացիկ հաշվին մնում է 35834—11 կ.²:

Ուղղված է 417645—71 կ. և 35834—11 կ.³

Հաշվապահ

(ստորագրություն)

Պետական բանկի Հայաստանի գրասենյակի կառավարիչ

ստորագրություն (Վելիբեկով)

Գլխավոր հաշվապահ

ստորագրություն (Մարգարյան)

ՀՍՍՀ ՊԿՊԱ, ֆ. 409, գ. 1657, թ. 10, բնագիր, մեքենագիր:

¹ 417645-71- գրված է թանաքով, իսկ նախկին մեքենագիր թիվը ջնջված է (379161 ռ.—71 կ.):

² Մեքենագիր գումարի չափը (74318 ռ.—11 կ.) ջնջված է և թանաքով գրված է ճիշտը (35834-11 կ.):

³ Ամբողջ նախադասությունը գրված է թանաքով:

№ 16

ԹԵՀՐԱՆԻ ՀԱՅԿԱԿԱՆ ԽՈՐՀՐԴԻ ՆԱԽԱԳԱՀ ՊՐՈՖԵՍՈՐ (Գ)
ՀԱԿՈՎԲՅԱՆԻ ՀԵՌԱԳԻՐԸ ԳԵՎՈՐԳ ԱՐԲԵՊԻՍԿՈՊՈՍ ՉՈՐԵՔՅԱՆԻՆ՝
ԻՐԱՆԱՀԱՅԵՐԻ ԿՈՂՄԻՑ «ՍԱՍՈՒՆՑԻ ԴԱՎԻԹ» ՏԱՆԿԱՅԻՆ
ՇԱՐԱՍՅԱՆ ՀԱՄԱՐ ՄԻՋՈՑՆԵՐԻ ՀԱՆԳԱՆԱԿՈՒԹՅԱՆ ՄԱՍԻՆ

№ 84/93

5 մայիսի 1944
Թեհրանից

Էջմիածնի արքեպիսկոպոս Գևորգ Չորեքչյանին

Առաջնորդվելով Ձեր հայրենասիրական կոչով, Թեհրանի հավատացյալ հայության տարբեր խավերը հավաքել և 1943 թվականի նոյեմբերի վեցին համար 8660 ընթացիկ հաշվով Սասունցի Դավթի անվան տանկային շարասյան ֆոնդին են մուծել մեկ միլիոն վաթսուցույթ հազար հարյուր քառասունհինգ ռեալ: Ամբողջ հոգով կամենում ենք, որպեսզի մեր համեստ լուծման օգնություն ծառայի հերոսական հայրենասիրական նախաձեռնությանը: «Սասունցի Դավթի» տանկային շարասյան համար միջոցների ժողովումը շարունակվում է:

Թեհրանի հայկական խորհրդի նախագահ
պրոֆեսոր Գ. Հակովբյան

ՀՍՍՀ ՊԿՊԱ, ֆ. 409, գ. 4112, թ. 20, բնագիր, թարգմանություն ուսերենից:

№ 17

ՀԱՅԿԱԿԱՆ ՍՍՐԻ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ
ՔԱՐՏՈՒՂԱՐՈՒԹՅԱՆ ԳՐՈՒԹՅՈՒՆԸ ԳԵՎՈՐԳ ԱՐՔԵՊԻՍԿՈՊՈՍ
ՉՈՐԵՔԶՅԱՆԻՆ՝ ՆՐԱ ԿՈՂՄԻՑ ՀԱՏԿԱՑՎԱԾ ԴՐԱՄԱԿԱՆ
ՄԻՋՈՑՆԵՐՈՎ ՀԱՅՐԵՆԱԿԱՆ ՄԵԾ ՊԱՏԵՐԱԶՄԻ ԶԻՆՎՈՐՆԵՐԻ
ԸՆՏԱՆԻՔՆԵՐԻՆ ՕԳՆԵԼՈՒ ՄԱՍԻՆ

23 մայիսի 1944 թ.
Երևան

**Ամենայն Հայոց կաթողիկոսի ազգընտիր տեղակալ
տ. Գևորգ արքեպիսկոպոս Չորեքյանին**

Հայկական ՍՍՐԻ Գերագույն սովետի նախագահության քարտուղարու-
թյունը հայտնում է, որ Ձեր կողմից հատկացված 42.760 ռ. գումարը ստաց-
ված է և ամբողջովին կգործադրվի Հայրենական մեծ պատերազմի նախա-
ներում կոպիտ մարտիկների ընտանիքների նյութական վիճակը բարելավե-
լու համար:

Հայկական ՍՍՐԻ Գերագույն սովետի
նախագահության քարտուղար
ստորագրություն (Հ. Գալուստյան)

ՀՍՍՀ ՊԿՊԱ, ֆ. 409, գ. 1657, թ. 11, քնագիր, մեքենագիր:

№ 18

Ի. Վ. ՍՏԱԼԻՆԻ ՀԵՌԱԳԻՐԸ ԿԱԹՈՂԻԿՈՍԻ ՏԵՂԱԿԱԼ ԳԵՎՈՐԳ
ԱՐՔԵՊԻՍԿՈՊՈՍ ՉՈՐԵՔԶՅԱՆԻՆ՝ ՍԹՅՈՒՌՔԱՀԱՅՈՒԹՅԱՆ ԿՈՂՄԻՑ
«ՍԱՍՈՒՆՑԻ ԴԱՎԻԹ» ՏԱՆԿԱՅԻՆ ԵՐԿՐՈՐԴ ՇԱՐԱՍՅԱՆ ԿԱՌՈՒՑՄԱՆ
ՀԱՄԱՐ ՄԻՋՈՑՆԵՐ ՆԵՐՄՈՒԾԵԼՈՒ ՄԱՍԻՆ:

Բարձրագույն կառավարական
№ 4935-39

Մոսկվա
7 հունիսի 1944 թ.


Տեղակալ Գևորգ արքեպիսկոպոս Չորեքյանին

Խնդրում եմ հաղորդել արտասահմանի հավատացյալ հայությանը (հա-
յերին), որոնք դրամական միջոցներ են ներմուծել Դավիթ Սասունցու անվան
տանկային երկրորդ շարասյան կառուցման համար՝ իմ ողջույնը և կարմիր
բանակի շնորհակալությունը:

Ի. Ստալին

ՀՍՍՀ ՊԿՊԱ, ֆ. 409, գ. 1646, թ. 1, քնագիր, ինքնագիր: Գևորգ արք. Չորեքյանի կա-
տարած թարգմանությունը ուսուրեն քննարկի:

Ծանոթ.—Սույն հեռագիրը հրատարակվել է «Էջմիածին» ամսագրում, 1944, № 6, էջ 10:



№ 19

ԿԱՐՄԻՐ ԲԱՆԱԿԻ ԶՐԱՀԱՏԱՆԿԱՅԻՆ ԶՈՐՔԵՐԻ ՀՐԱՄԱՆԱՏԱՐ,
ԶՐԱՀԱՏԱՆԿԱՅԻՆ ԶՈՐՔԵՐԻ ՄԱՐԾԱԼ ՅԱ. Ն. ՖԵԴՈՐԵՆԿՈՅԻ ԵՎ
ՏԱՆԿԱՅԻՆ ԶՈՐՔԵՐԻ ԳԵՆԵՐԱԼ-ԳՆԴԱՊԵՏ Ն. ԲԻՐՅՈՒԿՈՎԻ
ՀԵՌԱԳԻՐԸ ԿԱԹՈՂԻԿՈՍԻ ՏԵՂԱԿԱԼ ԳԵՎՈՐԳ ԱՐՔԵՊԻՍԿՈՊՈՍ
ՉՈՐԵՔԶՅԱՆԻՆ՝ «ՄԱՍՈՒՆՅԻ ԴԱՎԻԹ» ՏԱՆԿԱՅԻՆ ԵՐԿՐՈՐԴ
ՇԱՐԱՍՅԱՆ ՏԱՆԿԵՐԻ ՌԱԶՄԱԺԱԿԱՏԻ ՏԱՐԲԵՐ ԶՈՐԱՄԱՍԵՐԻՆ
ԲԱՇԽԵԼՈՒ ՄԱՍԻՆ

15 հուլիսի 1944 թ.
Մոսկվայից

Կառավարական հեռագիր

Հասցե. Երևան. Էջմիածնի Ամենայն Հայոց կաթողիկոսի տեղակալ
արքեպիսկոպոս Գևորգ Չորեքչյանին

Հայտնում եմ, որ արտասահմանի հայերի ներդրած միջոցներով «Սասունցի Դավիթ» տանկային երկրորդ շարապույունը կառուցված է, և հաճնված է տանկային զորքերի գեներալ-լեյտենանտ Կիրիչենկոյի գլխարդիական տանկային միավորմանը: Տանկերի մի մասը ուղարկված է համալրելու փոխ-գրն-

դրուված են հետևյալ դրամական փոխադրումները հայոց կաթողիկոսի անու-
նով.

ԱՄՆ-ից ամդոլ ¹	20000.—մեր ծանոցագիրը №	17038	26/7—43 թ.
» » 600	» »	13368	16/8—43 թ.
» » 25000	» »	17483	20/8—43 թ.
Անգլիայից անգլոֆոններ ²	2000	» »	28092 2/9—43 թ.
(Երուսաղեմի հայկական պատ- րիարքության հանձնարարությամբ)			
ԱՄՆ-ից ամդոլ	10600.—մեր ավիզոն №	19668	17/12—43 թ.
» » 10000	» » »	20153	12/ 1—43 թ.
Անգլիայից անգլոֆոններ	10000	» » »	23413 16/2—44 թ.
(Կահիրեի հայկական պատրիար- քության հանձնարարությամբ)			

ՍՍՀՄ արտաքին առևտրի բանկ
ստորագրություն ստորագրություն

ՀՍՍՀ ՊԿՊԱ, ֆ. 409, գ. 1657, թ. 14, բնագիր: Թարգմանված է ռուսերենից:

¹ Ամերիկյան դոլար:

² Անգլիական ֆունտ ստերլինգ:

№ 21

ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՏԵՂԱԿԱԼ ԳԵՎՈՐԳ
ԱՐՔԵՊԻՍԿՈՊՈՍ ՉՈՐԵՔՅԱՆԻ ՀԵՌԱԳԻՐԸ ՀԱՅԱՍՏԱՆԻ ԿՈՄԿՈՒՍԻ
ՔԱՐՏՈՒՂԱՐ ԳՐԻԳՈՐ Ա. ՀԱՐՈՒԹՅՈՒՆՅԱՆԻՆ ՀԱՅՐԵՆԱԿԱՆ ՄԵԾ
ՊԱՏԵՐԱԶՄԻ ՀԱՂԹԱԿԱՆ ԱՎԱՐՏԻ ՄԱՍԻՆ

9 մայիսի 1945

Էջմիածին

Երևան

Հայաստանի ԿԿ քարտուղար
Գրիգոր Հարությունյանին

Մեր և Էջմիածնի վանքի ամբողջ միաբանության անունից շնորհավո-
րում են Հայրենական մեծ պատերազմի հաղթական ավարտի առթիվ: Այսօր
Էջմիածնի Մայր տաճարում վանքի ամբողջ միաբանության մասնակցությամբ
և մեծաթիվ աղոթողների ներկայությամբ իմ կողմից կատարվել են երախտա-
հատուցման աղոթքներ: Մեր կողմից Ամենաբարձրյալին հղվեցին ջերմ ա-
ղոթքներ ժողովուրդների և ճնշված մարդկության առաջնորդ Ստալինին
առողջություն ու երկար կյանք պարգևելու համար: Մեր կողմից հեռագրով
առաջարկված է ներքին և արտասահմանյան թեմերի պետերին կատարելու
հանդիսավոր մատչանքներ:

Ամենայն Հայոց կաթողիկոսի տեղակալ արքեպիսկոպոս
Գևորգ Չորեքյան

ՀՍՍՀ ՊԿՊԱ, ֆ. 409, գ. 1676, թթ. 2—3, ինքնագիր:

№ 22

ՍՍՀՄ ԺողկոմսոցվեՑի ՍՈՒՆՔԵՐ ԿՐՈՆԱԿԱՆ ԳՈՐԾԵՐԻ ԽՈՐՀՐԴԻ
ՆԱԽԱԳԱՀ ՊՈԼՅԱՆՍԿՈՒ ԳՐՈՒԹՅՈՒՆԸ ԱՄԵՆԱՅՆ ՀԱՅՈՑ
ԿԱԹՈՂԻԿՈՍԻ ՏԵՂԱԿԱԼ ԳԵՎՈՐԳ ԱՐՔԵՊԻՍԿՈՊՈՍ ՉՈՐԵՔՉՅԱՆԻՆ՝
ԵԳԻՊՏԱՀԱՅԵՐԻ ՆՎԻՐԱԲԵՐԱԾ ԴՐԱՄԸ ՍՍՀՄ ՊԱՇՏՊԱՆՈՒԹՅԱՆ
ՖՈՆԴԻՆ ՀԱՆՁՆԵԼՈՒ ՄԱՍԻՆ

№ 482

12 մայիսի 1945 թ.

Մոսկվա

**Ամենայն Հայոց կաթողիկոսի տեղակալ
արքեպիսկոպոս Չորեքչյանին**

Ձեր խնդրանքով ՍՍՀՄ ԺԿԻՍ¹ կից կրոնական գործերի խորհուրդը տեղեկանք կազմեց հավատացյալ հայերի կողմից հավաքված և Եգիպտոսում ՍՍՀՄ միսիային հանձնված գումարների մասին:

Ներկայումս հնարավորություն ունեւ հայտնելու Ձեզ, որ Եգիպտոսում ՍՍՀՄ միսիայի կողմից 1944 թ. փետրվարին իրականում ստացվել է 5500—00 եգիպտական ֆունտ, և նույն թվականի հունիսին 3062-59 եգիպտական ֆունտ:

Առաջին գումարն ստացվել է Ալեքսանդրիա քաղաքի հայերից, երկրորդը՝ Եգիպտոսի հայոց (ստաշնորդական տեղապահից):

Երկու գումարներն էլ հանձնված են Եգիպտոսում ՍՍՀՄ միսիային՝ ՍՍՀՄ պաշտպանության ֆոնդին հանձնելու խնդրանքով:

Հաղորդելով այս մասին, հայտնում եմ ի գիտություն Ձեզ, որ նշված գումարները այդ խնդրանքի համաձայն 1944 թ. դեկտեմբերի 13-ի № 26/153 հանձնարարականով ՍՍՀՄ ֆինանսականության միջոցով փոխանցված է ՍՍՀՄ պաշտպանության ֆոնդին:

ՍՍՀՄ ԺԿԻՍ կից կրոնական գործերի խորհրդի նախագահ
ստորագրություն (Պոլյանսկի)

ՀՍՍՀ ՊԿՊԱ, ֆ. 409, գ. 1657, թ. 15, քնագիր: Թարգմանված է ռուսերենից:

¹ ԺԿԻՍ. Ժողովրդական կոմիսարների խորհուրդ:

